



Broj: 01/V-14-16912/10
Datum, 22.12.2010.godine

Na osnovu člana 13. stav 2. alineja 4. Zakona o principima lokalne samouprave u Federaciji Bosne i Hercegovine («Službene novine Federacije Bosne i Hercegovine», br.49/06), člana 13. stav 1. tačka 3. Zakona o pripadnosti javnih prihoda u Federaciji Bosne i Hercegovine («Službene novine Federacije Bosne i Hercegovine», br.22/06), te člana 40. Statuta općine Cazin ("Službene novine općine Cazin, br. 2/02 i 6/05), Općinsko vijeće Općine Cazin na svojoj redovnoj XIV sjednici održanoj dana 22.12.2010. godine, donijelo je:

ODLUKU
O IZMJENAMA I DOPUNAMA ODLUKE O KOMUNALNIM TAKSAMA
I TARIFI KOMUNALNIH TAKSI

Član 1.

U članu 7. iza stava 1. dodaje se stav 2. koji glasi,

Korištenje predmeta, prostora ili pružanje usluga iz stava 1. ovog člana nastaje:

1. danom pravosnažnosti rješenja o odobrenju obavljanja djelatnosti kada su u pitanju fizička lica,
2. danom pravosnažnosti rješenja o ispunjavanju minimalno tehničkih i drugih uslova za pravna lica koja su po Zakonu obavezna pribaviti rješenje nadležnog organa,
3. danom dostavljanja obavijesti o početku obavljanja djelatnosti nadležnom organu.

Dosadašnji stav 2. postaje stav 3.

Član 2.

Član 15. mijenja se i glasi,

Porezna uprava – Ispostava Cazin je dužna Službi za finansije i računovodstvo Općine Cazin, mjesečno dostavljati primjerak taksene prijave koju su podnijeli obveznici plaćanja takse za korištenje predmeta, prostora ili pružanja usluga, a za čije korištenje je propisana taksa ovom Odlukom.

Član 3.

U Odluci o komunalnim taksama i Tarifama komunalnih taksi ("Službene novine Općine Cazin, br. 12/10), član 18. stav 1. tačka (2) mijenja se i glasi,

"Fizička lica koja se bave poljoprivrednom proizvodnjom i obrtnici iz Uredbe o zaštiti starih tradicionalnih zanata («Sl. novine Federacije Bosne i Hercegovine», br.66/09 i 38/10)".

Član 4.

U članu 21. kod Tarifnog br.8, tačke a) vrši se ispravka riječi tako da umjesto "Za izgradnju trasa" treba da stoji "Za igradene trase".

Član 5.

Ova Odluka je sastavni dio Odluke o komunalnim taksama i Tarifama komunalnih taksi ("Službene novine Općine Cazin", br. 12/10)

Izmjene i dopune ove Odluke stupaju na snagu danom donošenja, i imaju se objaviti u "Službenim novinama općine Cazin".

DOSTAVITI:

1. Općinskom načelniku,
2. Službi za finansije i računovodstvo,
3. Porezna uprava – ispostava Cazin,
4. Sekretar OV-a,
5. Evidencija i
6. Arhiva.

PREDSJEDAVAJUĆI OV-a

Haris Ćoralić